

原序

此思堂者劉稚川太史之堂也太史生九歲而
失恃其後登賢書垂二十年而成進士大魁天
下每念 太孺人輒潛潛孺子泣其所為家傳
纏綿悱惻仁人孝子之言藹如也以故終其身
此思名堂云太史丁勝國擾攘所奔竄山菁水
澗所遇黃中銅馬所歷芒屨卉服殘杯冷炙中

有稟兀輒舉而筆之於詩即其崎嶇偕計涉黃
河望太行王屋渡易水以達於金臺其間英雄
廣武之歎素絲窮途之悲宜其言之激也迨策
名虎觀待詔金馬庶幾白麟奇木極文人之樂
事然未幾而玉樓作記矣金子讀已而嘆曰嗟
夫此稚川先生之詩也夫雖然蘇李乏丙魏之
業燕許闕李郭之勲少陵三禮輒軻一第子安

軼才蹉跌弱齡古今詩人軌跡差池者不可勝
數要之焜燿竹素同有千秋耳後之讀此思集
者於太史又何嫌哉

同郡後學金德嘉拜撰

熊劉詩集

黃岡劉稚川先生著

京山後學易履泰眉川甫纂

男大醇校字

四言古

松芝篇

冉冉茂幹爍爍靈草山骨垂空古藤縈抱高蹇蒼蔭
仙苗蘊葆玉露零膏香風飄浩西母華池東瀛元島
黝鶴棲食聖嬰洒掃生歲之寒春青自好吾知其年
與日月老



礪石二首

天生礪石為玉之故不琢不磨是謂自負匪怨伊嘉
我懷孔裕匪拒伊受我道孔固

其二

莫瑜莫瑜云誰無瘡其瑜其瑜云誰無瑜磨之彌瑩
錯刀何怖拭之彌光青蠅何怒

一日

一日一日一年一年來者幾何苦未知焉父兄既往
世事徒然中夜以思今古懸懸引枕自穩無計熟眠

臨晨捉筆記憶不全何況措置咸使安平控天不遠
倚人懼顛一身愚怯艱累萬千愴心存幼下已求賢
稍令斯文得而有傳高高者山下為大川念彼達人
皇古以前

五言古

贈淮司李陳徹菴

淮居四瀆中江河交委之望海百餘里羣派險在茲
國家重邊計歲粟億萬竒董以大中丞司李貳其治
河漕積利害蘊蠹相染移自非能清疆理之如紛絲

魚...詩集
邇來省刑部歸併於一司以故典斯郡匪徒吏事為
君子秉峻潔高舉與俗遺學道本家世微祿急親禱
撫軍軫重地俯聽民心宜六月發中都雲檣接河隄
客宿水烟上夜聞人語私誰如我史公陳父與之儀
黃河西北來不濁淮水渚清流達帝畿敢告天子知

出燕

未靖此中方哲夫復失意棄委殊何嗟終傷君父寄
踐闕多履簪大概似良智攘側殿署間一人仍獨瘁
昨聞境又烽路問如習事攬轡期懷歸愴然媿所志

樓居

中心無一營此身遂已多雖少世外緣其如長日何
晨夕危樓上遙見山峰嵯風雨從東來春色徧林阿
鳴禽聲不盡湖草芳南坡物理星星異會心每嘯歌
睽念靜裡遇萬有未須過

留侯

留侯未至留毒秦入骨髓陳王猶隴上無從加一矢
副車雖爾誤微倖圖濟以心念五世恩所欲為之死
關中大事成身付赤松子却憶遇漢靈侯封聊借此

漢壽亭侯

壽亭本漢士降漢欲何名
心知魏自帝掩耳弄豪英
一字不許假阿瞞魄亦驚
誰通春秋義當時未見明
笑却荀文若枉死諒非情

智讓

豫讓死國士毀情事堅刻
雖不漆其身其妻豈能識
烈士今非無半為女子抑
固爾君恩少宗國豈宜逼
友人名姓誰毋為勸反側

吳門贈高六

世變難家居投身托烟水
望海纔尺餘聽雲忽中止
良朋一笑合與我心相
以空牕樹影交好月明如此
醉裏言俱真默默中有指
功名天下事草澤英雄視
願期豁達懷臨風識所使
引子坐露夕天寒曉欲起

題朱維章像

樓半高士立急欲呼之出
豁見壁陰動臂後一笑失
神骨固爾活畫工絕殊筆
低頭如有思只疑聲透帙
疎樹亦徜徉遙向牕外逸

夏夜不寐

魚鱗詩集
客久夜亦長，厭聞譙點急。微涼涉蓆艸，好夢不肯入。
深牕乃更明，始知天氣濕。江湘遠幾何，兩涯可得及。
心想善纏綿，非意每來集。

吳門贈楊孟兼

人世有大事，成我等於生。吾師楊夫子，先朝勒高清。
至今芳草洲，如聞鸚鵡鳴。小子媿無似，蚤歲獲知名。
落拓十餘載，此身未敢輕。妄意希遠就，藉手答盛明。
庶令至公堂，不負當時爭。時淹世亦變，道孤志彌貞。
望雲指東南，天懸海不平。纏綿寄吳下，夢想得吾兄。

灑狀見先師，終坐心神傾。知己接奕世，忼慨發古情。
飲酒各醒醉，危論四座驚。貧賤吾自有，草澤多俊英。
物事非繇天，歸來賦躬耕。

吳中贈晉克生周宗弟二首

萬派各有源，大海為之委。黃河自天下，四瀆無異水。
君家即滄溟，百川此觀止。氣落五湖秋，煙月供指使。
咳唾倒驚潮，壁上諸侯視。嗟余但潢潦，含納喜吾子。
聲性有微入，一曲走千里。遙遙江漢光，海東望日起。
縈折生文章，巖壑成竦峙。中夕傾清光，明澹沒心耳。

旨哉味有合溜澠為一體

其二

昔聞吳下勝非獨念山川及此積秋夏空看惜往年
不接高人論安知花石妍伯也深澹人古詩追大雅
鬼神出險難生死寄佳冶有時逸興作粉墨傳天下
仲氏自天放其中蘊深情文章本家學慷慨循友生
終坐馮歡讌主人先客醒勝信名勝地應自因人見
忘羈旅言別復三嘆何時虎邱頂卧聽流雲斷
別高二仲達

古人言一飯亦夙昔何況數千里復此同晨夕
疏寒踏月上茆露每偃藉卧即連榻席放論無嫌迹
高人共贊許人物相評惜感時多悲傷慨然忘在客
別君且當去一言相勸責願君讀書時念我王家迫
有生

有生未能免安用惟憂老倏忽形神解百年大草草
輸情趣所難古今博一好舉口頗亦薄佳名終難保
後身當是誰為彼空縈惱何如遂吾志行樂須及早
重飲於氏宅

魚鑑詩集
六
醉後復就飲主人意念深且先候湖色跌坐探中林
田廬位次好竹樹各清陰湖草春如水未漲氣已森
乃始理微酌午醒猶在襟當杯故不强延賞衍歡心
少焉夕煙上蒼然暮遠岑鳴聲落寒原高木息歸禽
明月背庭下冥冥天地沈客子未言去夜涼薄露侵
江行仙靈觀吳雲夫旅飲

出門無定跡衍步信所攀靈境引人遠却迴仍復前
夕陰倒墻光道像穆古先童子怪客至驚語破茗煙
主人昧素識款接喜相延清磁奏微酌慷慨出詩篇

殷殷几篋外如聞中冷泉深坐忘謙讓月影直中天
蒼蒼江樹際露氣一痕懸今夕且復醉明朝姓字傳

故書

亂後得故書快然如素友慚愧流離餘復此能聚首
杯茗慰勞之念其事我久契濶幾歲月遊歷阿誰手
傷心感夙昔骨肉且無有怪君猶然在何以脫踐蹂
合散數固然神物亮不偶慎勿更棄捐盟以長相守

雜詩六首

飲酒不在多在得酒之意飲之亦無時要知心有寄

良友趣閒來適與佳興值明月入我懷花氣風中至
移坐放庭前有時或席地為籩何必工取足倉卒脩
起視座中人各各無厭忌詩書既不拈亦不關時事
持杯各自引緩急莫相伺當歌不待強屬和隨所恣
勿限多與少意盡相將出醉者暢情懷醒者獲安寐

其二

冬日則擁裘夏日則飲水自身無主張安得不為天
地使我聞古之人其命不在天知暑亦知寒於今稱
大年謾謾崗上栢矯矯龍蛇掣贈之以霜雪對之以

澹節鳴鶴翔高林或在田中音行已濁復清遇之以
無心

其三

古之作詩人其詩自有情今之讀詩人其情乃在評
若復學詩作我心何所著若復從詩尋評者惑我心
昔亦有何韻今人坐相因况乃限其聲何以發高論
我心灑然起天地不敢止且不知風雅何况盛唐諸
君子父子不同貌帝王不襲禮

其四

岱宗有高木華蔭度千里止與雲心遊隨風雨澤起
不辭塵埃到而惡亂禽止立身澹以深古香自相倚
東海日光來氣色與之比

其五

馬見駱駝伏凡物有相制百禽隨鳳皇文采當其世
梟鳴號月昏鬼出牽人袂獵兎倚射狼深巷烟跡閉
中宁蹲窮狸黔驢坐擁篲沙草相嘯叫矜此毛角勢
大壑鳴琴來山水開芳霽東南聲殷殷豁然白日麗
霜冰歸春海五嶽咸臣隸

其六

獸但能食草禽但能食木穀食且不能况乃梁與肉
海魚大於木山木大於魚不遊山海者何怪矜所愚
天向管中小日為盤所移聰明有限止嗟彼執其迷

侯令邱銓部

衡為天下平六官咸得領人士繫安危方域由茲整
本朝采古猷機理攬中省冢宰受其成曹司專所秉
恭逢聖皇隆宏人集瑤璟爾時策大廷部以同官請
皇曰咨女諧今望自昔景藹藹王吉多式之此端靜

魚蟹詩集
陽江五稔春一琴卓清影曠才來西南對廷俱脫穎
司空登宰揆故事先朝炳以是為之先欽哉勉而黽
小弟援籍杪豈繫榮間并得士福王明况斯皇塗梗
范公為寮宮名賢皆延頸引轡告四方佇瞻中土靖

先日望春

新歲多佳辰得從山水遊及茲晨氣澹往候春所由
宿寒淹空陰高霽開光流絕峰抽雲出輕煙薄林邱
細草爭湖色浸浸與風浮園梅欲迨天含花為我留
造物惜寸景念時懷風酬日月未相借餞詞曷益愁

復閱書

往余授句讀念與此君老乃茲遜荒浦胸眼復浩浩
存身愧古人頗聞不能道負我歲月多應悔遇世早
初覽正疎澀意理殊未討久之深省開每字觸懷抱
憶昔贅几牘毋乃傷草草往跡雖並伸佳名增懊惱
聖者固多感與時爭潦倒物趣苦練人微心希有造
得舊詩仍束簷柔尊

詩自不足存悲昔共良友矜喜春潮中風雨寄京口
崎嶇歷紙墨毋乃神物久不作水火投幸落高人手

聞之蓋歲餘展玩灑以酒茲乃先朝遺感時成蝌蚪
還問陽江八屬和曾在不

冬春

冬春宜晏起酣情享昏夢初日喚我窓破懶纔一動
人事豈能厭遲之庶有中神足自多爽天閑志亦洞

崑山夜泊二首

孤月欲中天衆星不敢明微波攬其光樹影生性情
水煙深萬戶飛梁動簷楹北風引江末清寒遙浸城
城門夜不息過屨積石聲菰蓬憇小語稍聞歌吹生

幽想渺無所天際與之并

其二

我夢仙人居招我月明裏與坐異花草瑤露相將以
爵行無算數妙歌供心耳起舞高樹巔鸞鶴共鳴倚
問我昨來寒一舟擁煙水間日風下雪客心況如此
蒼卒主人義遜謝不可已

世事五首

世事達終始得失良何似烈烈湯與武矜獲以為賢
吾生自何來父母居一悔豈不念明報常恐愧所全

乾坤若衣履旦暮乃一遷匹夫老仲尼苟取何足傳

其二

意氣許為友緩急通有無一朝少蹉足引手誰相扶
始知談俠者意在巧取吾小小未如意責備不遺餘
生平負樸直一介義寧拘安能匿所有向人訴窶虛
天地大仁者不顧疾聲呼男兒豈卒貧仰面喪廉隅
咄咄險詖子左辭相挪揄使人不得語謂之為所愚

其三

越王弄夫差墮其術中久羨此螳螂捕轉盼為楚有

救敗豈無策薦女毋乃醜氣勢快一時中心曾熱否
古之陰鷲者天道寧逆覩河山苦閱人英雄空皓首

其四

聖人思世治天意不謂爾視民若園蔬刈之未云止
却憶先皇初井廬接萬里此輩多厭人風俗成黥侈
地方不能養會須付火水福邑空墟烟大城纔數齒
兵興若猶動豈忍復下視薄言往愬之好生諒如此

其五

昔來居田家士人許我真歲日通往還鷄黍共良辰

魚身言集
爾乃營數畝結竹以為隣湖水就岸住輕舟即江濱
田未免浸沒薄收聊慰春生事雖云細以貧安其身

偶成

鷺鷥淬芒刃寸鐵不可撓泰山微雲合崇朝千里傾
大哉龍眠畫人物紛倚側韓文尚簡質仍令費筆墨
得意豈在多貴少諒其宜誰謂尺幅中以此限神奇

感遇八首

春蘭芳風日菊華麗露霜清堅各以質異時同所香
神龍遜泥中豫且虐魚服君子固賴時大匠胡示樸

卷名及一身道理乃重人丈夫感知我自古不應貧
其二

天地不生成無為貴高廣蕩蕩光幽遐斯惟日月仰
大道宜適用孤絕非衆賞孔子中天立離之乃僻和
取偏以為至二氏自雄長冥冥鑿空人懷各揣影響
萬古神禹勞子輿配之饗

其三

偶然共斯世猶如昔古人覽彼競狗跡應知我立身
于中列畛域嘉怨倘非真計營矜一就態色擬鬼神

慨歎在先哲禍亂非無因是非意一易移及我生民

其四

治亂非天意大道以為時如是今復古賢聖更驅馳
五百歲已踰皇虞無再期文武媿遠慮憂困當仲尼
豈不懷易世空言寄所思

其二

大漢振雄畧國家亦已弊何如三古仁不以生民累
南北相盛衰時殊人復異擾擾勢激持策立苟圖遂
卞莊搏兩虎坐視漁人利詩書古之初儒者存其義

其六

湖山避五歲喜為魚鳥容晨興理耕作暮還煙月中
故人攜酒來言笑東林東指此長年世卧聽風上松
春水田禾青野烽巖壑空

其七

運數良由天匹夫亦有所豪俊鮮知命驅者毋乃誤
哀此膏血糜夜火濡蒼露太息別田廬隔樹一迴顧
棲寄烟沙傍草深濕蟲聚衣食仰人憐風雨江天暮

其八

靜泉清池中激之在山巔勁弩射此風百步受鳴弦
行止非我使人身各有天既謂桃李春當秋菊自然
露氣得嚴重時人以謂妍

偶書

有書不會讀讀者苦無書不肯一假觀甘心飽蠹魚
書汝何不幸乃落斯人手辟之積嘉穀忍飢聽紅朽
天直欲不均此輩不一人以此推物變賢者傷心神

憶舊

憶脫兵火餘山家息五年背山即草閣亭下為薄田

田上高池立分流納雨泉以時資灌溉波及到蔬邊

韋祠海棠

名花古年代窮北得能春出歷離亂餘草木如有神
仰懷手植考頌茲造物仁枝幹老霜烟花葉風雨新
煥若火樹立光氣貫青旻白日中庭直微暖舒性真
交蔭相倚藉無猜自為隣諸花別種佳因汝接車塵
採折傷其意愛苦亮相因遊賞感遲暮君應念昔人
報國寺有廟市每朔望諸賈輻湊朝士爭往市古玩

所見無一慕豈必中心安理勢不得爾何用勉其難

情知未能免每過一迴看無妨謂我有當非几席觀
抱璧學塗乞居然傲飢寒讀書破萬卷千載名為酸
山雲轉秋夏高鳥天地寬大意能自得是即庭與軒

名倡

聲名積暮年容顏落紅色丰韻豈不佳令人念夙昔
夙昔貌若神聰明不解人分明掌上憐正笑還成嗔
嗔時公然好情懷為顛倒出入將順中不道終不老
丈夫各有取女子豈有言生平學得力向人貼温寒
自春徂夏久旱至秋雨浹旬乃霽有作館課十
二韻

久旱雨良佳佳雨晴亦好人情屬未厭天意存顛倒
東菑嗟遲暮澤國秋期早此物關國家民命依百草
側聞河漕澁况茲伏莽保嗷嗷京國待雲帆艱遠道
久客慚居食暑濕兼縈抱慰我庭鳥鳴如春方在曉
新涼薄露下明光振蒼顛微雲常傳日輕風亦潤橐
補時安疎賤惟用和豐禱誰者榮歲歉宜喝亦宜潦

同諸公即事

世事屬吾儕英雄無欺語把酒問心胸此中誰爾汝
時代既以然天意良有處海嶽起茗坐如見揆牧侶

魚鑑言集
鋤芟餘一生斯民吾之與讀書念昔人歷歷相責許
敬哉我友身茲道立今古

夏日

長夏積窮暑良雨每及時顧視雲陰流遙以慰東菑
薄田在江漢躬耕未有期深念負彼蒼蕪落敢自欺
想見荷鋤者奮飛勵所思辛苦三春業西成將在茲

偶然作

積雪解為雨治亂更因移臨春鬱餘寒豈曰天地為
氣理傷堙結誰當疏達之遐哉古黃虞非無風霾時

朗朗光中天河嶽劃四垂五風而十雨萬物遂所宜

李康侯畫圖見示

昔聞名園勝今向畫圖看圖中猶如此即知居者安
康侯來京師深門烟雨寒寫圖置枕中以當卧遊觀
佳山不在登佳水不在泳苟能得真意夢想皆歌詠
閉門即深山終南有捷徑朝市與林壑所貴澹其性
作詩代遊賞無言亦亭池寢食於圖中身心自相宜
對人當如圖對我無非詩山水共文章相看無盡時

錢永思來張灣

故人念遠別策馬來我舟舟中方飯客便坐共綢繆
竟日無一言相信亮有由但飲各盡醉卧聽燕山秋
平沙宿白鳥寒風靜河流遠樹接天色出沒雲光浮
夜定笙歌起情深旅夢休君歸當霜雪孤騎慎所投

河西務食魚

昔予居江洲旦夕食江魚後與田家習池塘以代蔬
良友時至止每食不可無燕山積三載但聞肆中枯
日來臨河海乃心注老漁始知尊鱸思秋風未是虛

聞晴

夜半寒氣減鄰語報新晴帳外問窓色陰陰增曉明
庭花應更好宿鳥起先驚客居厭迂道疋馬媿孤征
得從久雨後亦自慰人情

泊青縣

懷歸頻卜夜經地每詢名風俗見同異聲聞別性情
川通諸郡控河盡急流平數折岸痕曲深秋暮氣清
微風生遠樹高月峙孤城送米悲窮邑聽更媿旅筮
昨宵未敢醉危坐散王程

興濟

邑賦纔三里邑居大邑官走往問官吏迎送禮何差
今年河口決縣令沉一尉久不補廣文署坐衙
有民如鳥獸何況少救傷此清盛時地復近京華
乃今不學人等官如泥沙哀此婦子困彼死將誰嗟
中夕念東南河患徧潦汙將母同此邑而又萬里遐
心魂傷謾謾注目寒原花

西施詠 三韻

西施妙天下一笑傾人城至今苧蘿石因之得盛名
嘆息彼村內當時無知音國君多好內遺珠傷古今

窮巷掩艷色由來非一人倘無范少白終世浣紗貧

壽孫海門伯母

海氣根星宿蓬島在其東巖壑結蒼秀周市都會中
高垂玉燕光五湖現代岱嵩生材中梁棟大雅讓宗工
河山齊百二質厚多峻雄火餘繼以水原野有流鴻
百姓忘其歲而如居春風惟茲古遺愛亦越大母功
我友奉儉德魚鮓無敢通四境頌仁壽青鳥下公宮
所愧無清酒聊將燕喜衷

贈高勵昌

魚蟹詩集
斯文未墜地五百歲於茲誰以歐曾筆而存孔孟思
君家兄弟好何媿眉山時幾月春雲盡僧寮奮下帷
將聞至道要動與古人期秋風搏健翮上國觀羽儀
功名抵恒事文字亦其詞獨幸羣言清絕學寄所知
榛莽受擴清大義豁沉疑屬當天地開蒼生望者誰
名賢如距踊後覺其不迷告子自勉愛家世本鳳池
七言古

浣川歸雨

客中無事暫亦愁愁裏得歸歸亦樂沙頭小舟載人

滿山半宿雲已齊脚夾岼青蒼護客遠曲迴相向隨
人轉新漲行橈如落潮過眠春容不得辨

苦雨

枯龍一激顛天河挾海橫抹陂堰過湖水白曳甫摩
坡朝來樹杪度輕戩小魚無賴奔山渦板葦避卧雜
蛙螺微聞黥覆開頑沱金蛇倏忽亂痕傴疲雷復躍
攘新訶黑雲壓天天欲頗東南崩決泄其窠須臾遊
絲泛婆婆有情者渚共踏和絮絃僕舞間悲哦雀蟬
彪哮迅飛磋叱咤千騎錚盾戈擊轂駢闐粟博蘿四

瀆驚翻如掣梭搜甃湧桶相追呵別有天風袒乃波
斜吹側引隔峰拖笑謂雨意無此苛室廬之內愧披
簑滅澤毋乃已傷麼天上諒復餘幾何爾久豈得勿
倦那淹淹不省將或叱汝不自厭其如何刈稻被野
盡翻科委沙飄浪負佳禾視之不食豈在多欲隱吾
自出重羅敢曰勤勞賜林阿幸少留之待歲瘥汝之
節嗇人所歌

問雨

不知雨意欲何以我從問之天不理大約未必有知

耳胡乃都不省記此前時一滴不妄使即今用之何
太侈已分朝來刈禾始俄而漠漠東雲起怨尤全未
觸怒耳薄言訴之庶可已或曰雨自天半止雲則為
之非天指山氣亦當告竭矣大崎之帽仍如彼神龍
垂尾吸江水弱難升更倚徙雨師何德改乃弛珠
璣狼籍如糠粃河漢年久隄防圯大傾小漏無停晷
乘槎試探星海裏岸燥天空牛女喜

壽金太翁銓部金拱敬之父

誰駐人間現作仙先生於今八十年作詩進德忘期

愈齋詩集
老讀書到老還如少手授數編傳其人其人事君如
事親國初吏道多稠濁奮筆釐之見川嶽遐陬僻壤
霜雪溫受者一經教子恩劉綱偕老得樊姥案前翁
彩雙白舉瑤花七葉鬱亭亭含飴幾載弄麒麟猶龍
得道原儒者五千盡向柱下寫先生不用靈笈文自
從書卷得長生

十二月十三日出海岱門風沙被面目不能開
因憶前歲此時行竹園中風過梅花滿衣作
憶梅花

天寒雲凍曉吹風風健道澗井煙空馬蹄馭駝吹不
起草沙紛飛東城東只似梅花送香意磊磊撲人無
處避梅花不肯來京華塵沙謂我君誰寄

長安秋月行二首 用長安一片月為韻

雨後天街夜氣涼疎雲淡漠泝流光城高望遠天痕
小宵靜風寂客思長此月經秋凡幾看長安應是舊
長安眼前今古三秋盡朝市千門增暮寒邊地迢遙
氣蕭瑟草木變衰霜露粟清輝何處異山川長征淚
濕應非一壑絕林稠深小院東生西沒行應遍砧聲

偏自照他鄉搗作練光飛片片禁地宵嚴行路絕久
客多懷魂夢越愛惜應忘露氣滋步盡空庭學翫月

其二

月華歲歲占明光偏是秋來倍勝常况復天中三五
夜兼逢帝里漏鐘長帝里曾經烟火殘乾坤新造井
廬安河山一夕銷兵甲化作清光萬里寒禁城高峙
懸內直下視蒼烟四海一雲樹蕭蕭幽局開潮落江
湖蛟蜃逸積雨初晴風露澹仙子騎鸞過玉殿淨碾
清虛野馬沉金粟花飛香片片幾欲乘風登貝闕耿

耿星河手扶月莫言高處不勝寒中原攬盡三秋色

壽劉元公母張太夫人

浩氣生天地人心有冰霜結根託歲寒日月與爭光
烈烈張太君釵寒古鳳皇笙竽豪俠漁陽槩身作恒
山鎮帝鄉夏日冬夜四十載雨燈一影撐網常男兒
空有髮眉在健婦持戶如封疆有子文采空冀北垂
纓珮玉侍明堂和九盡是忠和愛大直如愚隱諫章
太君自得遠存理萬歲千秋稱未亡神仙日來歸節
義却今陸地現西王

壽單伯虞

城南處士如山居手自種花滿堦除眼見花開月正
好攜錢沽酒煮江魚閉門不問人間世窓下惟看兒
讀書心樂身閑忘日月長年如此復何如

五言律

燕都贈答劉濟南二首 時登壬午榜

君自成名久非因邸牘傳王家方有事天下盡稱賢
騷已江湘著風仍周召先文章良叶運不必問蒼天
其二

十年徒解憶名姓未通聞昨歲過吳下相逢多問君
高人各自慰賈客亦論文深媿投奇字無能荅子雲
春歎

終日一身共出門但里餘眼看原草綠心識庶風疎
世事人爭笑中心常獨歎男兒自有性翻悔早知書
晚集懷上人精舍

支子藏經處一椽背水東池陰倒月照樹色補山空
蔬甲新抽雨茗香故倚風何當一下榻夜宿磬聲中
雨泊

魚蟹詩集
夜宿疎蒲裡空濛碧一灣舟中風又雨江上水如山
別浦聞橈過歸漁載火還客心真欲滴幾點到鄉關

久雨

兵息纔聞好淫霖苦欲迷深知大澤至姑試老農疑
海已無歸處天應有竭時陰陰原上麥何以為秋期

雨花閣

小閣斷巖半古藤一徑通藏經黛跡裏煮茗雨聲中
下鳥窺高樹開牕入遠峰悠悠江上路此地諒能容

袁子生祠

袁子古遺愛祠依佛地開從知髯老後再是戒公來
巢鳥習鐘磬鳴魔忘草萊疎疎池上柳憶得召南裁

田家

茅舍疎籬下我行三過之昔時重載酒今日始題詩
湖菓浮菰實園蔬雪笋絲田家真更諳却怪入山遲

晴川樓

晴日臨高望遙遙黃鶴樓岷山經楚折漢水入江流
賦就禰衡夢詩留李白秋勝遊殊代接因見古人愁

黃鶴樓

晴川與黃鶴氣勢遙縱橫靜見水聲合空疑山意爭
三洲秋色遠萬樹午烟晴帆影中流處搖搖江漢情
歷

中丞下遠使新歷出西洋節候誇殊俗編年異昔王
逸民何敢抗婚友各分將目斷海天路春風日每長

隄 延陵

長隄限水勢委折赴東吳漲湧疑魚洩風寬賴樹扶
虹霓飲夜月龍蜃挾晴湖暝色蒼然遠開煙一纜孤

太白

卓爾青蓮氏深情寄酒狂殿前役力士幕下識汾陽
富貴元非意詩歌別有腸興言唐室事端自屬文章

少陵

文字誠非細昔人有道存誰留三百意獨許盛唐尊
感物抒真性憂時見本原傷心千古事貽恨賦花門

閱射

閱射江煙上遙連京洛雲中原方用武天下尚崇文
猿影蹲風立鉦聲過雨聞自憐無薺力何以答人君

喜雨

人意殊懷蚤天心應及時夜中涼氣滿窓上小聲遲
野老隔林問良苗慰渴思起看雲厚薄臨曉試新陂
留別

飲罷能無別無言意自深許多月日路盡是父兄心
迴顧各遲騎強顏已濕襟故園風便好莫不寄佳音

燒香文

文字真成累名山多厚顏在前殊足戀於世懼無關
梨棗千秋憾筐箱一夕閒祖龍真有意難與後人刪
霧

曉氣垂高霧空寒一影橫真疑天地合微見水雲平
露性占晴穩江聲辨楫輕舟人怪起蚤錯是聽鷄鳴
送李先木之婁東

竟向客中別年來思若何可知能夢到要自厭情多
同籍幾人在孤琴惟汝和婁江流不息離怨欲先過
張氏樓

舊跡幾何在疎疎落葉聲再來誰忍上臨去欲回情
古木遙花照流禽遠壁鳴窓前明月處空翠一峯橫
走雪 未至許州

魚鱗詩集
崔斂荒原寂高寒吹夕風微聞雜雨氣深見沒山空
數瓣知春淺侵衣羨酒濃如知人意懶聊此勸飛蓬

其二

積雪老春候青煙一道深呼寒宇不穩眺望氣猶森
光薄林巒發冰來髭鬚侵藉擅空復爾未冷此時心

失路

正怪羣相失纔知路有岐川原渾欲似雲樹試相欺
人語隔烟聽騎蹤覓草隨桃花何處問莫是避秦時

雨衣予無雨衣

計疎先未雨誰與念無衣夙昔負油壁今茲賴曉暉
見人能免羨携在亦空歸路滑兼身困毳毼愧力微

渡河

地近投鞭蚤途窮旅食苛祀河一日澤憶渡歷年多
勞媿僕夫任名完舟子訛南州一帶限不用戒風波
投旅無納者

夕煙驕逆旅喧市困孤征期左胥徒誤情織芻糗爭
望門仍有揮露宿媿為情星月能來照無宜笑步兵

曉發

燎火明中市旅徒戒此難天光與月似夜氣減春寒
啄雪鴉聲起跑冰驢跡酸更為呼日出作客每衣單

清風道中

北地雖稍近客心多苦辛風沙昏白晝行李累孤身
天放一宵雪路輕千里塵莫須愁路滑攬轡閱行人

聞尚仲蓮南留擬寄

同有懷歸志如君乃遠真文章宜命世智勇自全身
託跡能藏用忘名庶免嗔江南書息到應惜客中人

應山道中二首

山接雲停處人行石立中開顏看好鳥展策指孤桐
細草爭春長寒煙赴夕空懸岨深古寺鐘落一聲風

其二

兵行幾積苦草石亦蒼涼古寨峙懸壁荒廬委曲塘
跡深驚虎過煙動擬猿翔羨爾南飛鳥離思寄故鄉

七夕

旅中輕怨暮露溥下秋空此夕雙星照誰家萬里同
樓烏驚欲走斜漢轉流東何許江南遠經年未訊通

元夕

客路逢元夕同人各憶家山猶驚夜火春已自燈花
旅焰中天月村喧絕塞笳愁吟酌未醉何處不天涯

早起

寐自和衣假騎仍載露行光華天地接氣色市朝清
曉樹鳴禽出秋鐘宿雨聲纓綸聊倚藉堦石欲寒生

曉日

曉日東窓上明光几席流移松初得雨鳴鳥合宜秋
萬事靜中見餘生客裡浮自知情漸少草色滿庭幽

墜馬

門祇勞金鑄人猶媿步安一差身似葉萬事險惟官
日給真疑牧新驚法據鞍澄清復此志攬轡倩誰看

白髮

生理既云息衰容方復苗聞君今古在為我死生勞
綠鬢應難駐青絲未肯饒終憐智慧者一笑慰垂髫

送王石幢西還仍赴宣城

細雨明秋色送君西復東鄉關百戰後琴鶴萬山中
歸馬衝寒露征衣動曉風閑雲相待久今古敬亭空

中秋

空蒼飛露氣客思先秋寒此夜庭中月他鄉砧上看
攤書聊代飲歌詠自為歡移盡明河影風生未作瀾

看月

月出東山時深林低晝枝稍高離瘴氣能遠達清思
客久相依慣情閒每坐遲碧空幾萬里何處是雲涯

九日

頻知佳節過見慣客心安當座能無酒逢人媿有官
高山來歲約短髮昨年冠可奈花開好聊為故國看

元夕春

時贈恩詔是日招飲水欣伯仲

